

**ADRODDIAD I: PWYLLGOR CRAFFU CYMUNEDAU (TROSEDD AC ANHREFN)  
AWDURDOD LLEOL GWYNEDD**

**DYDDIAD: 22 O FEDI 2016**

**ADRODDIAD GAN: CYNGHORYDD DYFRIG SIENCYN  
(SWYDDOG CEFNOGI –CATHERINE E ROBERTS)**

**PWNC: DIWEDDARIAD BLYNYDDOL Y BARTNERIAETH DIOGELWCH  
CYMUNEDOL (GWYNEDD AC YNYS MON)**

<b>1.00</b>	<b>PWRPAS YR ADRODDIAD</b>
1.01	Darparu trosolwg i'r Aelodau o weithgareddau Partneriaeth Diogelwch Cymunedol Gwynedd ac Ynys Môn (PDC) yn ystod y flwyddyn 2015/16, a datblygiadau 2016/17
<b>2.00</b>	<b>CEFNDIR</b>
2.01	Mae gofyn i'r Bartneriaeth Diogelwch Cymunedol adrodd yn ffurfiol i'r pwyllgor hwn pob blwyddyn i gyflwyno trosolwg o'r gweithgareddau yn ystod y deunaw Mis diwethaf. Mae hyn yn sicrhau bod y Bartneriaeth yn cyflawni ei hymrwymiaadau yn unol ag adrannau 19 a 20, Deddf Cyfiawnder Troseddol a'r Heddlu 2006 <b>Dyletswydd y pwyllgor yw craffu ar waith y Bartneriaeth, yn hytrach na gwaith yr aelodau (cyrff)unigol.</b>
2.02	Mae'n ddyletswydd statudol ar <b>Awdurdodau Lleol</b> yn unol â Deddf Trosedd ac Anhrefn 1998, a'r diwygiadau dilynol yn sgil Deddf Heddlu a Chyfiawnder Troseddol yn 2002 a 2006, i weithio mewn partneriaeth gyda'r <b>Heddlu, y gwasanaeth lechyd, y gwasanaeth Prawf a'r gwasanaeth Tân ac Achub</b> i roi sylw i'r agenda diogelwch cymunedol yn lleol. Dyma'r prif asiantaethau sy'n ffurfio'r Bartneriaeth Diogelwch Cymunedol. Mae gan y bartneriaeth ddyletswydd i ymdrin â – <ul style="list-style-type: none"> <li>• Throsedd ac Anhrefn</li> <li>• Camddefnyddio Sylweddau</li> <li>• Lleihau aildroseddu</li> <li>• Cyflawni asesiad strategol i adnabod blaenoriaethau (gwaith a gynhelir ar sail ranbarthol bellach)</li> <li>• Rhoi cynlluniau ar waith i ymdrin â'r blaenoriaethau hyn (mae cynllun bellach yn bodoli ar sail ranbarthol a lleol)</li> </ul>
2.03	Mae partneriaeth wedi bodoli yn Ynys Môn ac yng Ngwynedd ers 1998, ac yn gweithredu fel Partneriaeth dwy Sir ers tair blynedd.
<b>3.00</b>	<b>BLAENORIAETHAU'R BARTNERIAETH/DOGFENNAU IW CRAFFU</b>
3.01	Mae'r bartneriaeth yn gweithio i gynllun blwyddyn, sydd wedi ei selio ar gynllun rhanbarthol tair blynedd. Mae adroddiad ar berfformiad 2015/16, Cynlluniau 2015/16 a 2016/17 a chynllun gwariant dwy flynedd ynghlwm (atodiadau 1,2,3,4)
3.02	Mae yna saith blaenoriaeth sydd yn denu sylw gan y Bartneriaeth, Dyma'r blaenoriaethau 2015/16. Ac eto yn 2016/17. Mae'r blaenoriaethau yma wedi ei selio ar asesiad strategol. Sef – <ul style="list-style-type: none"> <li>• Lleihau troseddau sy'n seiliedig ar ddioddefwyr (troseddau meddiangar yn unig)</li> </ul>

	<ul style="list-style-type: none"> <li>• Lleihau ymddygiad Gwrthgymdeithasol</li> <li>• Cefnogi pobl fregus i'w hatal rhag bod yn ddiodefwr trosedd</li> <li>• Codi hyder i adrodd am ddigwyddiadau cam-drin domestig</li> <li>• Codi hyder i adrodd am drais rhywiol</li> <li>• Mynd i'r afael a chamddefnyddio sylweddau yn yr ardal</li> <li>• Lleihau ail droseddu</li> </ul>
<b>4.00</b>	<b>PRIF NEGESEUON YN DEILLIO O WEITHGAREDD 2015/16</b>
	<p>Mae adroddiad diwedd blwyddyn y Bartneriaeth ynghlwm. Mae'r adroddiad yn dangos y sefyllfa parthed y blaenoriaethau uchod, sef –</p> <ul style="list-style-type: none"> <li>• Troseddau meddiangar yng Ngwynedd yn isel o gymharu ag ardaloedd eraill tebyg<sup>1</sup>, ac yn sefydlog ar hyn o bryd (dim disgwyliad i weld y math yma o droseddau yn cynyddu)</li> <li>• Mae Ymddygiad Gwrthgymdeithasol yn lleihau yn gyson, ers 2012, er y bod disgwyliad i weld cynnydd eto yn ystod yr Haf (sydd yn eithaf arferol)</li> <li>• Mae'r niferoedd o bobl yn adrodd am drais yn y cartref ar gynnydd ers 2012, sydd yn galonogol gan ein bod yn ymwybodol y bod y math yma o drosedd yn aml yn aros yn gudd</li> <li>• Mae'r niferoedd o droseddau rhywiol difrifol sydd yn cael eu hadrodd yng Ngwynedd, yn uwch na yn yr ardaloedd eraill tebyg, ac mae dadansoddiad pellach o'r digwyddiadau yn cymryd lle er mwyn adnabod tueddiadau. Mae llawer o'r digwyddiadau sydd wedi ei hadrodd ers 2012 yn ddigwyddiadau hanesyddol</li> <li>• Mae'r niferoedd o oedolion sydd yn ail droseddu oddi fewn 12 Mis, yng Ngwynedd wedi lleihau ychydig ers 2012</li> <li>• Mae'r niferoedd o blant (o dan 17) sydd wedi ail droseddu oddi fewn 12 Mis, wedi gostwng yn sylweddol yn ystod yr un cyfnod</li> </ul>
<b>5.00</b>	<b>PRIF LWYDDIANNAU YN YSTOD 2015/16</b>
5.01	<ul style="list-style-type: none"> <li>• O'r 35 gweithgaredd newydd yn y cynllun 2015/16, ar ddiwedd y flwyddyn, roedd 26 yn wyrdd (wedi eu cyflawni) 8 yn felyn (gwaith wedi ei wneud ond heb orffen) ac un yn goch (heb eu gwneud)</li> <li>• Oherwydd y newidiadau i drefn y swyddog Camddefnyddio sylweddau, sydd yn cael ei gyllido gan Gomisiynydd yr Heddlu, ni chyflawnwyd y gweithrediad, sef polisi Ymddygiad Gwrth Gymdeithasol (YGG) mewnol i'r bartneriaeth</li> <li>• Mae'r gweithgareddau melyn, wedi cael eu trosglwyddo i 2016/17</li> <li>• Yn ystod y cyfnod, mae'r bartneriaeth wedi gweld newid yn y ffordd mae Ymddygiad gwrthgymdeithasol yn cael ei daclo. Mae'r Heddlu wedi arwain ar grwpiau aml-asiantaethol newydd, er mwyn cynnig ymyrraeth gynnar</li> <li>• Ymgyrch codi ymwybyddiaeth o drais yn y cartref llwyddiannus yn ystod Mis Tachwedd ar gyfer y cyhoedd</li> <li>• Ymgyrch codi ymwybyddiaeth am drosedd, camddefnydd o sylweddau, trais rhywiol, a chadw'n ddiogel ar gyfer myfyrwyr. Gyda thaflen newydd parthed trais rhywiol wedi ei pharatoi yn lleol wedi ei defnyddio. Cannoedd o fyfyrwyr wedi derbyn gwybodaeth a theclynnau cadw'n ddiogel</li> <li>• Ymgyrch codi ymwybyddiaeth o wasanaeth OWL (Online Watch Link) wedi</li> </ul>

<sup>1</sup> Ardaloedd mae'r Swyddfa Gartref yn adnabod fel ardaloedd ddyle fod gyda'r un lefelau o droseddu

	<p>digwydd, gyda dros ddau gant o fyfyrwyr wedi ymuno. Yn anffodus mae'r gwasanaeth yma bellach wedi dod i ben</p> <ul style="list-style-type: none"> <li>• Grŵp gweithredol aml-asiantaethol sydd yn trafod ac yn ymateb i ddioddefwyr trais yn y cartref (MARAC) wedi cael ei adolygu gan gorff cenedlaethol gyda chanlyniadau positif iawn. Yn dilyn hyn, fe baratowyd cynllun gweithredol i gynyddu'r gweithredoedd a ddeilliodd o'r cynllun. Erbyn hyn, mae pob gweithred ar y cynllun wedi ei gwblhau</li> <li>• Arian grant ar gyfer y maes gwaith gor-derfysgaeth wedi cael ei ddefnyddio yn rhanbarthol er mwyn paratoi adnoddau dwyieithog ar gyfer hyfforddiant i'r dyfodol</li> <li>• Gwefan e-newyddlen Gogledd Cymru ar gyfer y maes camddefnyddio sylweddau wedi ei ddatblygu gan y Tîm Diogelwch Cymunedol Gwynedd a Môn (wedi derbyn canmoliaeth gan Lywodraeth Cymru)</li> <li>• Mae'r Bartneriaeth wedi gwario'r grantiau yn llawn</li> <li>• Yn ystod y flwyddyn, ymunodd Cwmni Adsefydlu Cymunedol Cymru (CAC) fel aelod ffurfiol o'r Bartneriaeth leol. Corff yw'r CAC sydd wedi ei sefydlu yn sgil ailstrwythuro'r Gwasanaeth Prawf</li> <li>• Camera symudol newydd wedi ei osod ar allt Glanrafon ym Mangor, wedi ei gyllido ar y cyd rhwng Heddlu Gogledd Cymru a Cyngor Gwynedd. Hyn fel rhan o ymgyrch aml asiantaethol i daclo materion o droseddu uchel yn yr ardal yma</li> <li>• Systemau gwahardd galwadau niwsans wedi pwrcau ar y cyd hefo safonau masnach yng Nghyngor Gwynedd, ar gyfer diogelu pobl hyn sydd yn cael ei targedu gan 'alwadau oer' (cold calling scams)</li> </ul>
<b>6.00</b>	<b>PRIF GERRIG MILLTIR YN YSTOD 2016/17</b>
	<ul style="list-style-type: none"> <li>• Yn anffodus, Mae'r bartneriaeth yn cynnal adolygiad Dynladdiad Domestig ar hyn o bryd, yn deillio o farwolaeth yng Ngwynedd ym mis Gorffennaf eleni. Mae gan y Bartneriaeth ddyletswydd statudol i gynnal yr adolygiad hwn. Bydd yna lefel benodol o ymrwymiad a chefnogaeth ei angen er mwyn ymgymryd â'r gweithgaredd hwn yn ystod y flwyddyn hon ac i mewn i'r flwyddyn nesaf</li> <li>• Gweithredu'r cynllun amgaeedig</li> <li>• Gweithredu i drosglwyddo i drefn ranbarthol parthed y maes gwaith Trais yn y Cartref –sydd yn golygu bydd y grant, adnoddau cefnogol a chomisiynu yn newid i ddilyn trefn ranbarthol erbyn Ebrill 2017</li> <li>• Cwblhau'r adolygiad o wasanaethau camddefnyddio sylweddau ar gyfer plant a phobl ifainc yn y ddwy Sir, er mwyn argymhell newidiadau posib i'r hyn sydd yn cael ei gomisiynu gan y Bwrdd Cynllunio rhanbarthol</li> <li>• Y ddau Gyngor i gwblhau'r broses o fabwysiadu pwerau Ymddygiad Gwrthgymdeithasol newydd, Cyngor Ynys Môn bellach wedi cyflawni ar hyn</li> <li>• Y ddau Gyngor i benderfynu ble mae'r maes gwaith Diogelwch yn mynd i eistedd ar ôl datblygu'r Bwrdd Gwasanaethau Cyhoeddus newydd</li> <li>• Hwyluso'r oblygiadau Gwrth derfysgaeth newydd, yn benodol yr elfen PREVENT, fel Cyngor, a hefyd mewn Partneriaeth ble mae angen</li> <li>• Cwblhau'r broses o drosglwyddo Tîm newydd WISDOM, sydd yn cynnwys yr Heddlu a Gwasanaeth Prawf, i weithio o adeilad y Cyngor ym Mhenrallt - Gwasanaeth ble mae'r ddwy asiantaeth yn cydweithio yn agos i reoli y troseddwy'r mwyaf peryg yn ein cymunedau</li> </ul>

	<ul style="list-style-type: none"> <li>• Parhau gyda'r peilot yn Ynys Môn, sydd yn edrych ar gyd weithio rhwng asiantaethau, gan gynnwys y Cyngor, parthed pobl â phroblemau iechyd meddwl, sydd hefyd yn achosi problemau i'r Heddlu (ac eraill)</li> <li>• Y ddau Gyngor i gyflawni dadansoddiadau anghenion hyfforddi o fewn y maes camdriniaeth ddomestig a thrais rhywiol, yn a chanllawiau statudol Llywodraeth Cymru, gan gynnwys modiwl e-ddysgu ar gamdriniaeth ddomestig, ac rhai adrannau o fewn y Cyngor i adnabod anghenion gweithredu "gofyn a gweithredu"</li> <li>• I adnabod y cyfleoedd am ehangu gwasanaeth 'caledu targedau' (target hardening) gosod cleon ac yn y blaen i ddiodefwrwyr Trais yn y cartref. Hyn drwy gyd weithio gydag adrannau Tai a Chefnogi Pobl</li> <li>• Ail sefydlu grŵp IOM (integrated Offender Management) dwy Sir, gan adolygu pa droseddwyr sydd yn mynd i dderbyn y gwasanaeth</li> </ul>
<b>7.00</b>	<b>ARGYMHELLION</b>
7.01	Nodi cynnwys yr adroddiad, a'r dogfennau amgaeedig, a datgan os yw'r Pwyllgor Craffu yn cefnogi'r blaenoriaethau a chyfeiriad y gwaith i'r dyfodol
<b>8.00</b>	<b>ATODIADAU</b>
8.01	<ol style="list-style-type: none"> <li>1. Adroddiad diwedd y flwyddyn 2015/16</li> <li>2. Cynllun gweithredu 2015/16</li> <li>3. Cynllun gweithredu 2016/17</li> <li>4. Cynllun gwariant 2015/16/17</li> </ol>